



## SLOBODA IZRAŽAVANJA

Sloboda izražavanja garantuje da svako ima pravo da kaže ono što misli i da da svoje mišljenje. Ovaj osnovni princip demokratije znači da moramo poštovati mišljenja drugih ljudi, čak i ako su različita od našeg. Njome se garantuje rasprava i različitost mišljenja u društvu. Međutim, demokratsko društvo može uzeti u obzir kažnjavanje svih oblika izražavanja koji šire ili opravdavaju mržnju zasnovanu na netoleranciji.

## PRAVEDAN PRAVOSUDNI SISTEM

Pravedan pravosudni sistem garantuje da sve osobe imaju pravo da se brane pred sudom, koji primjenjuje zakone na pošten i pravedan način. Pravda je princip zasnovan na zakonima jedne zemlje. Svi su jednaki pred zakonom. Sudovi su ti koji odlučuju da li se osoba ponaša u skladu sa zakonom. Pravosuđe mora biti nezavisno od onih koji imaju političku moć i djelovati nezavisno i nepristrasno; u suprotnom je korumpirano.



## RODNA RAVNOPRAVNOST

Iako žene i muškarci imaju jednaka prava i jednaki su po dostojanstvu, oni nemaju uvijek iste mogućnosti u društvu. Kao i sva druga prava, rodna ravnopravnost mora uvijek biti zaštićena (npr. jednake plate, uravnoteženija zastupljenost u politici i vodećim mjestima u kompanijama).



## SLOBODNI IZBORI I PRAVO GLASA

Demokratija se zasniva na pravu glasa i na slobodnim izborima. U demokratiji, moć je u rukama naroda, koji bira predstavnike koji će izražavati njihovo mišljenje. Nažalost, u mnogim zemljama, izbori još uvijek nisu slobodni. Ponekad šef države sam donosi odluke u autoritarnom duhu. U drugim slučajevima, izbori su namješteni kako bi se osiguralo da određena politička stranka osvoji vlast.

### RAZLIČITE VRSTE IZBORA:

- > Parlamentarni izbori: Građani glasaju za članove državnog parlamenta.
- > Lokalni izbori: Građani glasaju za predstavnika grada ili regije.
- > Predsjednički izbori: Građani glasaju za predsjednika svoje zemlje. Izbori se odvijaju i u drugim situacijama: u školskim odjeljenjima, u vijećima mladih, udruženjima, privrednim subjektima...

# EVROPA PITANJE VRIJEDNOSTI

## RAZLIČITOST I NEDISKRIMINACIJA

Diskriminacija je kada osoba ili grupa ljudi biva odbačena zbog svog porijekla, boje kože, pola, jezika, vjere, ili političkog mišljenja...i obespravljena. Diskriminacija, koja se često zasniva na neznanju, predrasudama i stereotipima, nastaje kada se plašimo nečega što nam nije blisko ili nam je nepoznato i kada nas taj strah čini sumnjičavim ili agresivnim prema drugima.



## UKIDANJE SMRTNE KAZNE

Smrtna kazna je odluka koju donosi sud kako bi na smrt osudio one koji su proglašeni krivim za najteže zločine. Nijedna od 47 zemalja članica Savjeta Evrope više ne primjenjuje smrtnu kaznu, jer se ona smatra kršenjem prava na život, a time i kršenjem ljudskih prava. Međutim, smrtna kazna još uvijek postoji u brojnim zemljama (SAD, Kina, Japan...).





START



**PRAVEDAN  
PRAVOSUDNI SISTEM**

**SLOBODNI  
IZBORI**

**SLOBODA  
IZRAŽAVANJA**

**UKIDANJE  
SMRTNE KAZNE**

**RAZLIČITOST  
I NEDISKRIMINACIJA**

**RODNA  
RAVNOPRAVNOST**

EVROPA

PITANJE VRIJEDNOSTI

COUNCIL OF EUROPE



CONSEIL DE L'EUROPE